

荊州府志目錄小序

學校志

造士必由興學識者瞻學校之脩明卜人才之蔚起豈宣  
聖在天之靈有私乎抑士民尊親思服之誠一念感通篤生  
賢哲爲邦家光非僅科第之盛也粵匪之亂所過學宮鞠爲  
茂草而荊郡倖全雖屬邑間被蹂躪近亦次第新之大難既  
平天子嘉惠士林凡郡邑之急公輸饟者視其數廣以弟  
子員額真所謂學校如林焉每邑有學田師生膏火所從出  
也有考棚應試者得所庇有書院肄業者樂其羣賓興之資  
足以勵英俊義學之設足以救孤寒吾知荊郡人才之興正  
未有艾已學校志第五

學宮

師生員額

學田 賓興附

考棚

書院 義學附

荊州府志卷之二十一

學校志一

荊州府

學宮

府學在府治東南駐防界城內明初仍元故址建國朝因之自

南齊蕭嶷刺荊州始立學南史豫章王嶷傳建元元年嶷爲南

蠻校尉荆湘二州刺史二年夏於南蠻園東南開館立學按南蠻園

未詳所在上表言狀置生三十人取舊族父祖位正佐臺郎年二十

五以下十五以上補之置儒林參軍一人文學祭酒一人勸學

從事二人行釋菜禮是也至梁又立廟學南史安成王秀傳天

監七年秀遷荊州刺史立學校元帝紀太清元年帝都督荊州

起州學立宣尼廟置儒林參軍一人勸學從事二人生三十人

加廩餼自圖宣尼像爲之贊而書之是也其所在俱未詳後梁

時國庠在城東潛宮故事梁張僧繇嘗於城東天皇寺柏堂內

圖孔子十哲像人皆莫知其旨及後周滅二教梁爲附庸荆楚

寺宇莫不毀撤惟天皇寺有宣尼像遂爲國庠是也隋初天下

州縣學俱廢大業以後復立唐武德七年詔諸州縣及鄉並置

學貞觀四年州縣皆立孔子廟開元二十六年令天下州縣里

皆置學五代高氏時學制無聞宋景祐四年詔藩鎮立學寶元

元年大郡亦立學文獻通考元豐元年詔置諸路府學官共五

十三員荆湖北路江陵府一員宋史徽宗紀大觀三年賜天下

州縣學藏書閣名稽古元大觀中養士至七百人學校之盛甲

於荆湖

見明統志

自唐至宋廟學所在亦無考元史廉希憲傳至元

十二年希憲行省荆南大興學選教官置經籍其地卽今學也

按明統志作元順帝至正間建恐非是

後燬明洪武二年詔天下郡縣立學知府

周政卽其址重創焉正統間知府劉永修嗣後知府李仁儀上

荆南道楊守禮相繼修成化中火二十年八月知府范英推官

俞祚教授陳經構大成殿塑先聖賢像列兩廡從祀先賢位又

南爲戟門明倫堂在殿後東西四齋尊經閣在堂後

今又造祭

器庫庖湏號舍悉一新之建射圃於明倫堂之西偏

今俱廢見袁愷記

嘉靖間建敬一亭勒世宗御製敬一箴並范浚心箴程子視聽

言動四箴凡六碑貯亭內

今廢

四十五年趙賢知荊州修廟學萬

厯間修明倫堂建廟門外東西石坊二崇禎末學燬國朝順

治五年修戟門十年知府王業愔修建廟學拓大成殿闢東西

兩廡爲間凡二十有四啟聖祠在殿東

雍正元年改稱崇聖祠

祠南有奎

文閣

舊名文昌閣

閣之西有文公祠

今廢

名宦祠在戟門左鄉賢祠在

右前爲泮池駕橋其上又南爲櫺星門週以紅牆更濬外泮池

康熙四年知府耿拱極修奎文閣七年大成殿朽壞提督胡茂

楨知府李爲霖同知王燕徵通判金雲鳳推官方象璜相繼修

十八年修啟聖祠二十四年修東西兩廡二十五年巡道祖澤

深捐建明倫堂四十一年大成殿左建碑亭內藏御製訓士

碑文四十三年殿廡堂閣俱摧損知府黃良佐捐修雍正元年

知府王景皋重建明倫堂十一年知府周鍾瑄重修乾隆八年

知府劉士銘修大成殿暨戟門櫺星門明倫堂崇聖祠奎文閣

十年夏霖雨兩廡摧毀士銘捐俸續修教授李超監修乾隆

三十八年巡道錢士雲會同將軍綽和諾知府汪容率紳士陳

國勳等重修越兩載告成用銀一萬有奇乾隆五十三年江水

潰城發帑修道光十七年知府王若閔重修參江陵櫺星門外

木柵朽脫同治十二年文蔚易以石柱重修戟門捐製丁祭禮

器光緒四年率各屬重修東西兩廡五年修大成殿崇聖祠奎

文閣大成殿易覆黃琉璃瓦崇聖祠易覆八角瓦增置樂器

梁元帝請於州立學校表臣聞公宮之南四衛四教司業成均

黨塾茲併離經之志辨焉故不升嵩霍識乾行之峻不臨溟渤安知地載之厚泊乎秦焚金錄周亡玉鏡羣言爭亂諸子相騰書則夏侯歐陽易則神翰道訓詩乃齊魯毛韓傳稱鄒左張夾禮有曲臺王史之異樂有龍德趙定之殊伏惟陛下撫五辰而建五長播九德而導九州容成爲應黃鍾之琯撥亂反正經武也制禮作樂緯文也若非六經庖

八百七十五  
荆州府志卷之二十一  
學宮

厨百家異饌三墳爲瑚璉五典爲笙簧豈能暴以秋陽紆就望之景濯以江漢播垂天之澤梁元帝集

國朝祖澤深修建府學明倫堂記荆州爲南服奧區據江漢之

絡人傑地靈自鬻熊啓宇以來良史之才騷雅之士比肩接武

警之杞梓皮革皆荆產也三代學校之設人以此教國之俊秀辟雍鐘鼓首善攸隆下而術序黨庠所謂春夏詩書秋冬禮樂者

士子各有稟程胥於學宮是賴漢唐而後崇祀先師孔子

自京師以逮郡邑各建大成殿以爲俎豆對越之所荆州之有

學也由來舊矣學在郡城之東考諸志乘殿宇軒豁規模宏整

屢更興廢不改舊觀自故明末造流寇張獻忠豕突狼奔由豫

入楚犯我郢城屠戮焚掠十餘年無甯晷刻此萬仞宮牆鞠爲

茂草矣我國家迭掃逆氛肇造區夏荆州既隸版圖休養生

息三十餘年瘡痍漸有起色比戶漸習絃歌而演黔小醜盜弄

羽林雲屯荆郡人數年而通詠之聲始即天刑比四州武之秋

未遑文敷兵凶游至不敢時細舉旌郡學之榛蕪由此其選也

余奉命建節蒞土下車之日肅謁廟學之榛蕪由此其選也

崩凜然欲歷至於講藝之堂櫛士之舍不特蒿萊滿日卽遺址

亦半爲馬廐矣嗟乎際此偃武修文崇儒重道之世而官牆萬

仞坐視其日就頽頽守土者將何所謝其責乎於是首捐俸金

量工命日門序殿廡之未圯者易腐柱頽繕以周垣施以丹雘

左平右域夾植松杉今而後高祀登歌之地神有所憑矣殿之後清其地界之移使者策基址平板軒廊庑均墮役民而售直焉堂之高廣觀深視昔有加齋舍池沼以次修舉今而後講道肄業士有所依矣余讀曾子固宜黃縣學記謂古之人自家至於天子之國皆有學學有詩書六藝絃歌洗爵俯仰之容升降之節以習其心體耳目手足之舉措又有祭祀鄉社養老之禮以習其恭讓進材論獄出兵授徒之法以習其從事師友以解其惑勸懲以免其進戒其不率故其俗之成則刑罰措其材之成則三公百官得其用其為法之永則中材可以守其大人之深則雖更衰世而不亂學之所係如此今日者登斯堂也講肄以時蒞誦不輟彼都人士能無油然而觀感頑廉而立懦也乎落成之日躬率僚屬釋奠先師以告成事爰伐石紀歲月而借子固之文以為荆之士子勸其與於斯役者爵里姓氏具載碑陰

### 周鍾瑄重修荆州府學文廟碑記

荆郡三楚上游為湖北扼塞

聖廟居城之東先是聖祖仁皇帝於康熙二十一年分遣入旗駐劄茲土以備守禦郡城遂分為二東城名曰滿城而聖廟至今歸然屹立如魯靈光每當春秋祭奠時介冑之士園橋而觀禮者如堵漢代所謂期門羽林之士悉道孝經者無以加茲以故廟學之安厥土而重遷有由然也顧歷年久遠未加修葺瑄於今雍正之八年恭膺簡命承乏荆土至則釋奠先

聖每逢朔望炷香瞻拜之時巡簷徧觀自大成殿暨東西兩廡崇聖祠明倫堂櫺星門文昌閣名宦鄉賢二祠中多頽廢上穿下漏私心竊念聖天子崇儒重道養育人才著訓勸士子文以端士習為化民成俗先務年來僻州小縣無不崇飾學宮增壯增麗而荆郡為聲名文物之地聖域賢關不克輝煌殿宇以鼓吹休明奉宣德化守茲土者責何容違用是志切修除而菲材綿力遲之而未遑會今年四月下旬淫雨連綿民居頽敗者多而學宮尤甚若復因陋就簡日漸飄搖將何以受聖靈而肅瞻觀爰是割俸誼吉鳩工庀材屬府學教授陳道擇諸生之有材幹者董其役濬溝通渠焚瓦砌石仍敗者易之漫漶者飾之棧枋戶牖丹雘塗壁而廟貌煥然一新是役也作始于七月初四至九月初十日而工畢凡土木灰石匠人費銀四百六十餘金暫記之以俟後之續加補葺云

### 潘宗洛重修府學記

荆州府學明季燬於兵燹順治十年知府

二十六年分巡荆南道祖君修之越今十有七年而復圯棟垣頽夷丹堊剝落吏茲土者胥用震惕予滋誠日謁孔子廟訖咨知府事清源黃君肅容曰某敢不力予首出俸料諸生暨童子之有事於試者胥飲助之君合僚屬勸厥事不期月而告成以書達辰請予為記予竊惟荆於九州地最鉅自漢晉以來始析為江旋析為湘又析為雍鄂而江陵常璽督府西朝人

士其彪炳史冊者幾與江左埒隋唐後風氣稍偏隸郡縣以削  
至宋而唐鄧襄皆為不耕之土荆北接襄沙海沮洳士之以學  
名世者自一二偉人外率不如閬蜀故永康慨然太息欲用荆  
襄剝果之風以起吳蜀閭閻脆弱之習而惜其說之不果用也  
夫永康名學卓犖英偉然補苴罅漏之學則於進聖人之道不難  
康振厲之旨以造崇安醇懿淵粹之學則於進聖人之道不難  
也自元明迄今合荆南歸峽為一郡風氣漸完勲業文章蓋視  
宋有加而國朝尤盛今天子鴻恩沛洽文教純熙凡萃校邊  
臣胥欲導之詩書而荆為江廣要防諸君子受寄茲任者亦惟  
教化為兢兢吾知荆之學者益自淬厲而以卓越漢晉唐宋之  
士之行有日也嗚呼勗哉黃君家世名儒典郡之始即以修學  
為亟且其初議欲改營壤址雖卒不克展而其志之勇有可嘉  
後之人尚其有鑒

### 王若閔重修府學碑記

郡國設學之制始自漢平帝時至梁元

從來遠矣而志止稱始於南齊蕭嶷唐至宋一無考逮元廉希  
憲行省荆南選官置籍謂即今學地要以歷代沿革兵燹屢更  
間多興廢遠者不可稽斷自近者始有明之季流寇熾地當  
衝要宮牆化為灰礫國朝定鼎王公篤麻守茲郡慨然興修  
其於舊址移易不可知而建在城東歷今不改康熙中分八旗  
駐防城因析為二駐防迤東而學在其中每春秋習禮七萃之

士咸集與園牆聽觀時迨無異焉顧經日久風雨漂零屢就頽  
圯繼起者葺治之其間重修者祖公澤深則一葺於乾隆十年  
荆守劉公鼎臣再葺於四十一年觀察錢公昆浦迄今又週一  
甲子矣棟宇戶牖漸又摧殘予下車以來怒焉有志修治歷歲  
災歉力有不支迨乙未秋屬邑中稔適觀察梁公與予同志遂  
相與捐廉首倡而郡人士踴躍依襄克成斯舉殿廡祠楹一仍  
其舊而傾者易之剝者新之其工之數凡一萬有奇其金之數  
凡五千有奇十閱月而歲事又以餘資依古制建設爵壘尊彝  
琴瑟簫祝之屬以邑之俊秀者充樂舞之選自是俎豆馨香鐘  
鼓鏜鏘庶幾漸增美觀焉設學固代出偉人現而又為滿漢萃  
崇祀多士效法之原也荆州固代出偉人現而又為滿漢萃處  
地嘉慶二十一年既增設駐防學額又於乙科額拔賢書三人  
蓋化被同風所以嘉惠藝林者規模宏遠矣固宜雲蒸霞蔚  
駸日上荆州之士將必有接武曩哲而起者予忝司風教雖  
未敢追美前蹤而修舉廢墜上以承聖代作人之化下以酬  
郡人勸事之忱於其觀成也詎無厚幸歟勒石而記之其捐輸  
各姓名爰備列於左云

### 先師廟

至聖先師孔子大成殿正位宋元舊稱文宣王明嘉靖十一年改

今稱春秋仲月上丁祀以少牢 國朝雍正三年改用太牢康

熙朝 頒御書額曰萬世師表雍正朝 頒御書額曰生民未

有乾隆朝 頒御書額曰與天地參嘉慶朝 頒御書額曰聖

集大成道光朝 頒御書額曰聖協時中咸豐朝 頒御書額

曰德齊幃載同治朝 頒御書額曰神聖天縱今制覆以黃瓦

### 四配

復聖顏子 唐貞觀二年配饗 宗聖曾子 唐開元八年從祀 述聖子思子

宋大觀二年從祀 端平三年 宋元豐七年 亞聖孟子 宋元豐七年

### 十二哲

先賢閔子損冉子雍冉子耕宰子予端木子賜冉子求仲子由

言子偃卜子商 俱唐開元八年從祀 顓孫子師 開元時從祀 有子若

## 六百〇三 荆州府志卷之二十一 學宮

開元時從祀 廡廡 朱子熹 宋淳祐元年從祀 廡廡 國朝乾隆三年升位

### 東廡

先賢公孫僑 國朝咸豐七年從祀 林放 唐開元二十七年從祀 明嘉靖

復 原憲南宮适商瞿漆雕開司馬耕梁鱣冉孺伯虔冉季漆雕

徒父漆雕哆公西赤任不齊公良孺公肩定鄒單罕父黑榮旂

左人郢鄭國原亢廉潔叔仲會公西輿如邾巽陳亢琴張步叔

乘秦非顏噲 俱唐開元二年從祀 顏何 唐從祀 明龍 縣直牧皮樂

正克萬章 俱唐開元二年從祀 周敦頤程顥 俱宋高祐元年從祀 邵雍 宋咸淳三年

先儒公羊高伏勝 俱唐貞觀二年從祀 毛亨 國朝同治 孔安國 唐貞

十一年 后倉 明嘉靖九年從祀 許慎 元朝光緒 鄭康成范甯 俱唐貞

一年從祀 明改 陸贄 國朝道光 范仲淹 國朝康熙五 歐

陽修明嘉靖九年司馬光宋咸淳三年謝良佐國朝道光二年羅從

彥明萬曆四十年李綱元國朝咸豐張栻宋景定二年陸九淵明嘉

年從祀陳淳二國朝雍正真德秀明正統二年何基二國朝雍正文

天祥國朝道光二年趙復金履祥陳澧俱正二年國朝雍正

年從祀呂枏二國朝同治劉宗周二國朝道光孫奇逢八國朝道光

張履祥九年國朝同治陸隴其二年國朝雍正張伯行四年國朝光緒

西廡

先賢蘧瑗唐從祀明改國澹臺滅明密不齊公治長公哲哀

高柴樊須商澤巫馬施顏辛曹卹公孫龍秦商顏高壤駟赤石

作蜀公夏首后處奚容蒧顏祖句并疆秦祖縣成公祖句茲燕

七百二十三 荆州府志卷之二十一 學宮

伋樂欬狄黑孔忠公西藏顏之僕施之常申棖俱唐開元二年左

邱明唐貞觀二十一年秦冉唐從祀明罷國公明儀三年國朝咸豐

公都子公孫丑俱正二年國朝雍正張載程頤俱宋淳祐元年從祀

先儒穀梁赤高堂生俱唐貞觀二年董仲舒元至順元年劉德朝光

緒三年從祀毛萇杜子春俱唐貞觀二年諸葛亮二國朝雍正王通明

靖九年從祀韓愈宋元豐七年胡瑗明嘉靖九年韓琦二國朝咸豐楊時

年從祀明宏治八尹焞二國朝雍正胡安國明正統二年李侗明萬曆四

祀呂祖謙宋景定二年袁燮七國朝同治黃幹二國朝雍正輔廣

五年國朝光緒蔡沈明正統二年魏了翁王柏俱正二年國朝雍正陸秀夫

九年國朝咸豐許衡元皇慶二年吳澄明正統八年國朝乾隆二年復許

謙二年國朝雍正曹端十年國朝咸豐陳獻章明萬曆十年蔡清朝雍

正二年 王守仁 明萬曆十年 呂坤 國朝道光六年 黃道周 國朝道光五年

從祀 陸世儀 國朝同治十三年 湯斌 國朝道光三年

崇聖祠舊曰啟聖祠祀叔梁公以先賢顏無繇曾皙孔鯉孟孫激

配先儒周輔成程珦朱松蔡元定從祀雍正元年 詔封 先

師五代王爵肇聖王木金父裕聖王所父貽聖王防叔昌聖王

伯夏啟聖王叔梁紇祠改今稱增宋張迺從祀咸豐七年 詔

增孔孟皮配饗 縣志同

明倫堂在教授署內

名宦祠在戟門左

奎文閣在明倫堂東

鄉賢祠在戟門右

荆州府志卷之二十一 學田 學額 八

教授署在府學東

訓導署在府學西

師生員額

唐荊州府學有博士助教 大歷十四年詔諸州府學博士改為文學位參軍上 大都督府

學生六十人 按荊州唐為大都督府 宋置教授學政學錄直學元增訓導

宋初由州府選聘以請於朝其後太學立三舍法試可乃授開

命近臣薦舉充之生徒來學不限多寡明制教授一員訓導四

員學生始有定額 國朝教授訓導各一員廩膳生員四十名

增廣生員四十名附學生員不限額歲科兩試每次由所屬各

縣撥入二十名武生歲科並試共二十名 施志

駐防學額

駐防文武童皆五名取進一名額設廩生二名增生二名惟繙譯童生亦五名取進一名至多不得過五名餘詳駐防營志

### 學田

樊家菴田三十一畝一分六釐有奇胡裁縫店田八十畝孫家湖田二十畝康熙五十六年武昌府江夏知縣金廷襄捐置田六畝二分五釐坐落秘師橋小橋灣增置田畝詳縣志

### 考棚

學院考棚在府治南順治初分設湖北督學道湖南提學道順治十八年改爲通省提學道康熙四十二年始以翰林院督學雍正三年湖南北各設一員初學道舊署在駐防城內龍山書院東康熙二十三年移建今所大堂西向坐號僅二千有奇前

知府劉士銘江陵縣知縣何師軾因士民請改作乾隆十六年知府葉仰高署江陵縣知縣王銘琮踵成之改大堂南向旁建考棚一百餘間後建迴廊十楹進爲二堂又進爲內宅建旁舍居吏胥乾隆五十三年六月毀於水請帑加修如舊制後歲修七屬合捐舊碑可證道光間兩次水淹漸就圯毀光緒二年江陵縣知縣柳正笏籌款修理內外一新文昌祠向居大堂東偏每院試封閉非所以妥神也爰仿省垣貢院明遠樓式建閣於點名廳上以安神位共用錢若干迴廊旁有客廳江陵縣知縣謝蘭所置也棚內東西號舍其外南北兩舍皆江陵人士獨任修葺每屆江陵檇府學十名雖視人數亦因派費多也

### 書院

東山書院在府學東北今廢

見古蹟

舊在荆門州東山岡宋狀元

孫何兄弟讀書之所元初荆門人士辟地江陵重構是院以爲

釋菜講習地久廢

荆南書院在南紀門內之西

按今在安瀾門內

國朝康熙五十八年

知府邱天英建中爲樂育堂稍西有講堂退省堂敬亭亭

今廢

東則私淑堂雨化堂答問堂各三楹側爲射圃井泉庵漏皆具

又置八嶺山田七十八畝五分以供延師課讀之費乾隆三十

年江陵縣知縣吳耀龍斷歸龍洲老淤田四百七十二畝六分

六釐五十六年新淤田七百四十六畝二分亦歸書院五十九

年大丈老淤田坍塌二百一十二畝九分嘉慶三年知府張方

理勸各屬典商共捐銀五千七百五十兩由知府足成市平銀

六千兩交典生息每年八嶺山田租由江陵縣教諭征解龍洲

田租由江陵知縣征解存典息銀由知府經收另冊交代十一

年知府李逢春捐銀二百兩道光五年知府王鳳翰捐銀一千

兩江陵知縣周鶴立捐銀八百兩公安知縣關維紀石首知縣

陶洽松滋知縣張希呂各捐銀四百兩均交典生息計前後租

息歲入經費銀一千六百餘兩咸豐五年知府陳均遠因公提

用本銀五百兩同治元年知府唐際盛重修加廣課額光緒五

年知府倪文蔚重修

府

輔文書院在滿城南界轉大街前將軍巴揚阿舉行月課在官

文恭公祠內局試光緒四年將軍希元會同總督李瀚章副都

統穆克德布恩來荆州府知府倪文蔚捐廉併外募共得銀七

千有奇。新建書院及文昌宮餘銀四千兩存典生息作爲賓興諸費。山長束脩生童膏火由新淤洲課租動支。

駐防志

### 義學附

郡城向無義學。嘉慶二十一年知府雒昂捐銀四百兩發典一分五釐生息於府城隍廟設館延師教讀貧家子弟。每年計得息銀七十二兩以四十兩爲塾師脩脯以八兩給守者爲灑掃費以八兩爲禮書紙筆費餘銀十六兩以四兩爲聘金以十二兩爲塾師節禮碑勒府城隍廟旋移設太平缸經歷廳舊署禮書孫永輝請捐所給銀兩助學童紙筆書籍咸豐年間知府唐際盛分爲二堂一設原處一設藥王廟復於西城文昌宮添設一堂由府捐送束脩銀三十六兩聘金節禮銀四兩學童紙筆

銀四兩齋夫工食銀四兩同治十二年知府倪文蔚見學童聚散無常虛糜館俸裁併藥王廟仍歸太平缸每年塾師束脩四十兩聘金及三節敬儀八兩學童紙筆書籍銀十兩齋夫工食銀六兩餘銀八兩爲年終考課獎賞文昌宮一席仍舊捐廉致送向年塾師由學官舉報諭充至是知府始親用聘書重師道所以育英才也塾師亦當體斯意而盡職焉。

縣志 按文昌宮一席近改歸清節

堂右卹孤義學

卹孤義學光緒三年文蔚捐建專教節婦子著有學規并爲文記之勒石堂外

八旗兩翼總教習十名係九品頂戴乾隆二十四年原任左翼副都總德琦保奏准添設在本旗領催前鋒內考取

八旗兩翼滿漢義學各一所乾隆四十五年左右翼協領長泰呈請在各旗添設學生二三十名不等均由各牛彖官學按年挑入牛彖官學五十六所均牛彖子弟其束修膏火俱由牛彖兵丁公助將軍都統按季委印房章京考查勤惰分別賞賚八旗繙譯總義學一所光緒二年設於官文恭祠內由八旗滿義學各挑取三四名延本駐防精通繙譯之舉人生員二名教之

### 江陵縣

#### 學宮

江陵縣學在縣治南舊在城東南沙市

創建時代未詳

明洪武中遷入城

東北隅正統中知府劉永正德中巡道張宣萬厯中巡道張振先繼修國朝康熙六十年巡道殷邦翰遷建今址雍正三年

告成大成殿南向東西兩廡各十二間崇聖祠名宦祠鄉賢祠各如制乾隆五年知縣陳夢文議修未果六年教諭陳燦又請修九年知縣艾恩蔭倡捐修建明倫堂尊經閣奎文閣鑿泮池砌石圓橋三座翼以扶欄橋南爲櫺星門週遭築牆廟門外建石坊二濬外泮池廣近十畝石欄護之經始於十年二月至十二年十月告成厯攝縣事安陸通判官兆麟知縣黃詠縣丞王鑑教諭陳燦監修董其役者貢生嚴一鵠等凡十五人

施光緒志

#### 三年知縣柳正笏率邑人籌費重修

#### 國朝屠嘉正江陵縣學記

天生萬物惟人也得其秀而最靈人不由道是自汨其秀而靈者不可以

爲人故聖人必設學以教之然命之曰人則雖利欲紛拏習與世更道終不絕於其心故學自唐虞三代迄於今厯數千年不廢江陵名都會也踞吳楚之上游當東西南北之衝舟車冠蓋絡繹其間自宋張敬夫爲帥講道平政以輯和其民江陵之人

始欣欣鄉學元明以來名公巨卿輩出炳史冊焉王戊之春嘉  
正以監司來駐是邦樂其會沐南軒先生之教道澤當尚有存  
也爰進諸生課其業考其行類多循循約於規矩獨其廟學猶  
未隆備蓋學故在城東北隅康熙辛丑始遷於西殿廡門極僅  
其餘未遑及也於時知縣事文君恩際慨然有志而念人才之  
於水明年始稔方議舉行迨乾隆九年甲子薦紳念人本之  
重教學之宜醕申命慎貢舉崇學校於是邑之薦紳矜者皆鼓  
舞興起而修學之議官倡之眾翕然和之度地庀材鳩工始於  
乙丑春仲屆丙寅十月殿廡翼門楹顯觀明倫之堂尊經之  
閣創建如制又為之表坊於間鑿池為泮構亭於左日文明再  
禮既行諸薦紳進請為之記正告之日學之設也所以教人明  
乎道而行之也近世之士溺於浮華功利之習聞明道而眾  
說則共駭為迂且視若登天之難然是學之修也倡於官而眾  
遂不惜勞費以成之是皆知學之當崇閱其制也學之當崇閱  
其道也知學之當崇閱而遂不惜勞費以成之是皆知學之當崇閱  
常露其倪然則道非迂也非難也反而求之且晝清夜之際道  
君臣父子夫婦昆弟朋友之倫敬人所謂六德六行六藝敦行乎  
人心所固有兩由是處則為善士可以法於家型於鄉出則為  
忠貞隨其職之所司而弗欺弗怠弗詭隨弗苟容夫如是庶克  
副天子崇學校育人才之意亦庶不負諸君知學之當崇閱

荆州府志卷之二十一

學宮

三

而不惜勞費以成之之心若性謂足以壯一邑之觀瞻行且卜  
科名之日盛耳而不復識是心之為道所發見是明道而行之  
之一端則亦與奉佛老之徒大其棟宇飾其垣墉者一矣豈聖  
人設學以教天下後世之旨哉語畢而眾皆以為然因書其說  
以記之其先重是舉以幾於成者前令調江夏艾君恩蔭攝令  
事安陸別駕官君兆麟前令授沔陽牧黃君詠署令丞王君  
鑑其為之前以率之者太守劉侯士銘而諸薦紳  
矜者竭誠襄事者荷書於後俾來者知所慕云

鮑桂星重修江陵縣學記

艾恩蔭率紳士嚴一鵠等重修江陵縣學記自城東北隅移建乾隆甲子前邑令  
葺之嘉慶元年軍興以儲度火藥兵械殘踰失舊觀前令庾太  
鈞甫下車觀而慨焉申大府移火藥兵械他處而自捐金三百  
倡紳士募修以舉人陳選知縣文燾歸州學正劉永岱舉人魯  
壽邦拔貢劉士璋唐席職員魯國玠陳楚珩鄭鶴清郭若湘生  
訓導索芬兵部郎中毛承先監知事鄧貽輝部主事黃紹穀貢  
生黃紹均二十人董其事經費之出入材物之購求簿籍之句  
稽監委之輪值皆二十人任之以毫髮假胥役費不煩而事  
速舉聞十有九月告厥成焉昔圯而今今重建者崇聖祠也尊經閣  
也戟門也名宦鄉賢祠也文明閣也昔無而今增建者忠義孝弟  
也櫺星門也明倫堂也文明閣也昔無而今增建者忠義孝弟

節孝祠也更衣所刑牲處祭品樂器庫新舊碑亭也規制備美  
輪奐崇矣爰先師之靈爽遠邇橋之觀聽誠一時盛舉哉文  
之好義而興善也抑余更有願焉國家設立學宮非以飾觀  
瞻誇美富也蓋將肆詩書之業修禮樂之文明親義別序信之  
紀遠澆漓抑華競敦仁讓俾人心質慤風俗茂美闡發先師  
之遺教佐聖天子玉潤金聲之化以流行垂播於無窮江陵  
為三楚之衝扼吳蜀而襟湘漢水陸紛輳人文鬱起余所望於  
邑人士者有其地矣必思習其事矣必思興善而惡無弗過  
義矣必思精其詣竟其功好義而利可不言與善而惡無弗過  
圖冠方領矩步雍容於以暢發序之休風而無負斯之經營勞  
勩豈惟江陵一邑之幸抑全楚多士所藉以觀摩而興起者其  
在斯乎其在斯乎惜乎庾君不獲親見其成而猶喜張君五緘  
李君若璋之先後攝符克踵其勤而不倦也爰泐筆而為之記  
其經始落成之時日度支之敬捐  
輪之姓名各彙而書之於左方

王柏重修縣學記  
江陵學自康熙時由城東移建於西嘉慶

城而波浸淫康楹詹森垣丹漆多塵暗堂及廡猶不免上雨旁  
風馬邑侯姜明府國禪來極茲邑數日號為壯縣而釋菜重地  
殽敵若此其何以肅仰止美思樂維時司鐸陸劉君觀昌江  
夏勇君大章同辭請曰盍早圖遂相與捐金為倡且啟郡伯達

九百一十三  
荆州府志卷之二十一  
學宮

公昌阿前申各大府募貲邑中得繕錢二千二百有奇擇士之  
行廉志潔習營繕者庀材鳩工發日經始圯者起之朽者易之  
榱棟加堅飛甍加壯垣墉必取其固黝聖悉從其新然後深嚴  
閤邃克稱宮牆始於道光三十年七月迄咸豐元年五月工竣  
僉謂宜文以記之屬王柏心紀其顛末垂諸久遠則又為推論  
之日夫重學者尊聖也尊聖者尊其道也古之學者自容貌言  
動日用倫紀勉勉者持之以敬而積之以誠六經之粹天下國  
家之要研究會通內得於心不求外炫用以則舉而措之其原悉  
出於道今之學者亦知尊聖不知尊道而究不可謂尊聖然則  
尊之奈何曰仍返之聖人之道而已矣猶是容貌言動日用倫  
紀六經之粹天下國家之要也惟其實不惟其華惟其純不惟  
其難遇則效顰諸抒經猷安民善俗不遇則進德修業以淑乎  
英才式乎州黨如是而後聖人之道明江陵歷代名臣碩儒照  
鐸史冊邇來科第仕宦猶為一郡冠方當文教昌明之日敦崇  
學校賢長吏及師儒復率先尊聖情勸儒儒林蒸蒸髦士益  
加興起吾見士之尊道未有過茲邑者爰濡筆而為之記

先師廟

崇聖祠在大成殿西

名宦祠在戟門左

鄉賢祠在戟門右

明倫堂在教諭署前

奎文閣在櫺星門東

尊經閣在教諭署左

節孝祠在教諭署前外泮池側

忠義孝弟祠在奎文閣前外泮池側

教諭署在崇聖祠旁

訓導署在督學試院西

以上縣志

### 師生員額

宋置主學直學學諭學賓齋諭元置學諭生徒來學不限多寡  
明制置教諭一員訓導二員生徒始有定額

施志

國朝教諭訓

導各一員廩膳生員二十名增廣生員二十名附學生員不限  
額歲科兩試每次取十五名雍正二年加增五名武生歲科併  
試取十五名江陵向額文學三十名內撥入府學十名武學二  
十名內撥入府學五名咸豐八年因團練出力加廣永遠文武  
學額各三名九年因捐輸軍餉加廣永遠文武學額各六名同  
治三年因續捐軍餉加廣永遠文武學額各四名

縣志

學田

詳府學

### 賓興附

賓興館在郡城東南道光十年紳耆鄭若璜等稟奉知府裕謙  
募建所捐田畝銀兩載館中雜記鄉會試以息銀分送旅費

縣志

裕謙江陵賓興館碑記

周禮大司徒以鄉三物教萬民而賓興之一日六德二日六行三日六藝三年

則大比書其賢者能者獻之於王王拜受之登諸天府典至也禮至隆也伊古及今取士之法不同而賓興之禮未嘗或我朝重熙累洽賢士尤甲於前代四海莫不嚮風惟雪案螢窗半多寒暖往往報於資斧以致虛度槐黃深為慨惜余自丁丑釋褐廩名天祿旋轉儀曹內成奉簡命典守荆州喜隋珠下玉萃美是邦判牘餘閑留心文教查覈近年來科名尚多而公車日少不禁慨然因與諸僚屬議哀金三千兩存典生息為計借之資俾寒暖得時自効况人之欲善誰不如我倘邑紳中有願獨捐者有願公捐者集腋成裘亦可為同心之一助今同年鄭君若璜以江陵賓興館記及館中所立收發各章程取予取而細核之蓋江陵此舉倡議於前守雒松亭泊權觀祭瀕行時授鄭君等董其事因約同鄉好義陸續募捐閱七八年告成凡士子春秋闡費俱出乎其中以程途之遠近酌行資之豐吝豈非與余勸善之心後先脗合耶夫人自束髮受書懷貞抱慈誰不思出而自獻成國家有用之材乃或探瀛海而一萃難杭或望蓬山而孤筇莫振豈真自貽伊阻哉一苦於所挾之無資一由於所憑之失勢也甚有璞經三獻長隕涕於空山胸貯萬間僅低頭於茆屋信修以練要長願領亦何傷於土則誠然守土者能勿滋愧况荆郡為人文淵藪自屈騷宋賦嗣音三百篇蘭芷助其芬芳梗楠羅其楨幹山之巖水之湄何地無才脫不有以鼓舞而振興之恐人之湮鬱而不彰正未可勝數耳詩曰呦呦鹿鳴宴嘉賓也又曰菁菁者莪美冬士也臣也

荆州府志卷之二十一

賓興附

去

一千二百三

而以嘉賓禮之士也而以君子養之古人尊賢育才之意如是其重以周今余叨授一麾縱不能仰企乎古人又曷敢自外於古人故不憚捐廉為諸君倡而江陵諸君子早有是舉繼自今能實力遵守而擴充之覺小雅所云人之好我示我周行又不禁勸我以鼓簧鼓瑟之思也豈特中陵中泮深人懷慕而已乎館中計公捐銀七千餘兩又新舊存天鵝洲田一千二百三十餘畝以時孳息如川不窮其經理之善不待言即以下此邦科甲之蟬聯正隆隆如川不起而未有艾也因不辭譴陋而為之記司其事者鄭君而外有田孝廉必達孫明經芝魯教諭壽邦李副車鏞而外專勸募內總敘發則明經鄭若湘陳體仁廣文鄧貽謙其唐明經廉胡茂才兆芝亦時與贊襄例得並書

鄭若璜江陵賓興館募捐田畝銀兩記

考宋史宗室彥倬知紹興府時復鹿鳴禮置興

賢莊而寒暖得所資助學校益興踵其後者則有明成化初鄭水之賓興田馬綿歷及今數百年無替如賒實急事未有重於此也吾邑舊稱文藪科第幾甲全楚近來獲雋士漸不如前揆厥所由半因水旱偏災無力上進鄉先輩孫照堂萬春鄭寅菴鶴賓同姓湘糾集黃穎軒主政屢次倡議募立賓興盤費而時細舉羸謀未果會雜觀察方守荆延訪下情吏以眾議告遂慨然有玉成意時則封君鄧公士琮毛公清遠陳公士儲捐出天鵝洲田八百九十餘畝於是其費舉觀察又以前洲濱大江伏秋